

PEKELILING BENDAHARI BIL. 5/2025

**TATACARA PENGURUSAN PENGECCUALIAN CUKAI BAGI DERMA/ SUMBANGAN KEPADA
UNIVERSITI KEBANGSAAN MALAYSIA (UKM) DI BAWAH SUBSEKSYEN 44(6) AKTA CUKAI
PENDAPATAN 1967**

1.0 TUJUAN

Tatacara ini bertujuan untuk menerangkan pengurusan pengecualian cukai di bawah Subseksyen 44(6) Akta Cukai Pendapatan 1967 bagi derma / sumbangan dalam bentuk terimaan wang.

2.0 LATAR BELAKANG

- 2.1 UKM telah mendapat kelulusan pengecualian cukai pendapatan di bawah Subseksyen 44(6) Akta Cukai Pendapatan 1967 bagi tempoh lima (5) tahun mulai 1 Januari 2025 hingga 31 Disember 2029 melalui surat rujukan LHDN.AG.600-12/1/4-6.1412 yang bertarikh 26 Februari 2025.
- 2.2 Berdasarkan kelulusan ini, UKM diberi kuasa untuk mengeluarkan resit pengecualian cukai bagi derma / sumbangan dalam bentuk terimaan wang yang diterima melalui kaedah perbankan internet / cek / draf bank.
- 2.3 Kelulusan pengecualian cukai adalah berdasarkan kepada objektif UKM iaitu Pendidikan, Pembelajaran, Pengajaran dan Penyelidikan yang memberi manfaat kepada pelajar dan Universiti.

3.0 SYARAT DAN PERATURAN PENGECCUALIAN CUKAI SUBSEKSYEN 44(6) ACP 1967

- 3.1 Derma / sumbangan yang diterima adalah melalui kaedah perbankan internet / cek / draf bank kepada UKM.

- 3.2 Derma / sumbangan yang diterima hendaklah bebas dari sebarang syarat / ikatan / balasan.
- 3.3 Khidmat atau manfaat yang diberikan kepada pelajar UKM mestilah terbuka tanpa mengira bangsa, agama dan keturunan.
- 3.4 Manfaat derma / sumbangan tidak boleh dinikmati secara langsung oleh Pengasas / Ahli Lembaga Pemegang Amanah / Ahli Lembaga Pengarah Universiti / Ahli Jawatankuasa, keluarga dan kakitangan UKM.
- 3.5 Khidmat atau manfaat tidak terhad kepada sesuatu kumpulan sasaran, anutan agama, fahaman politik atau kawasan tertentu.
- 3.6 Pengasas / Ahli Lembaga Pemegang Amanah / Ahli Lembaga Pengarah Universiti/ Ahli Jawatankuasa / kakitangan UKM tidak boleh menggunakan kuasa dan kedudukan mereka untuk kepentingan tertentu melalui UKM.
- 3.7 Sekurang-kurangnya 50% daripada pendapatan derma / sumbangan yang diperolehi dalam tahun terdahulu mestilah dibelanjakan pada tahun semasa untuk aktiviti / program organisasi tertakluk kepada peraturan kewangan Universiti yang berkuatkuasa.

4.0 TATACARA PENGURUSAN PENGECUALIAN CUKAI SUBSEKSYEN 44(6) ACP 1967

4.1 Permohonan kutipan derma / sumbangan

- 4.1.1 Semua kutipan derma/ sumbangan mestilah diluluskan oleh Naib Canselor.
- 4.1.2 Setiap permohonan hendaklah dikemukakan seperti berikut:
 - a. Fakulti / Pusat Tanggungjawab (PTj):
Permohonan hendaklah dikemukakan melalui Pejabat Naib Canselor.
 - b. Aktiviti / program pelajar:
Permohonan hendaklah dikemukakan melalui sistem i-Star.

4.2 Pengeluaran Resit Rasmi bagi terimaan derma/ sumbangan

- 4.2.1 Penderma / penyumbang hendaklah mengemukakan bukti bayaran penyaluran derma / sumbangan berserta maklumat penyumbang kepada PTj.

4.2.2 Bagi melayakkan pengeluaran Resit Rasmi pengecualian cukai, Fakulti / PTj / Pelajar perlu memastikan penderma / penyumbang mengemukakan bukti bayaran dan maklumat lengkap kepada Jabatan Bendahari seperti berikut:

a. Penderma / penyumbang individu

- i. Nama penderma / penyumbang;
- ii. Nombor Kad Pengenalan / No Pasport penderma / penyumbang;
dan
- iii. Alamat lengkap penderma / penyumbang.

b. Penderma / penyumbang selain individu

- i. Nama Syarikat / Organisasi;
- ii. Nombor Pendaftaran Syarikat / Organisasi; dan
- iii. Alamat lengkap Syarikat / Organisasi.

4.2.3 Pengeluaran resit akan dilakukan oleh Unit Kutipan Hasil / Unit Kewangan Pelajar / Zon Kewangan Kuala Lumpur / Zon Kewangan Cheras mengikut lokasi PTj masing-masing.

4.3 Permohonan pengecualian cukai

4.3.1 Bagi Fakulti / PTj

- a. Fakulti/ PTj membuat permohonan pengecualian cukai kepada Jabatan Bendahari melalui *Google Form* pada [pautan](#) ini.
- b. Pemakluman bertulis akan diberikan kepada Fakulti/ PTj oleh Unit Kutipan Hasil, Bahagian Hasil, Jabatan Bendahari.

4.3.2 Bagi aktiviti / program pelajar

- a. Pelajar membuat permohonan pengecualian cukai melalui sistem i-Star
- b. Hal Ehwal Pelajar (HEP) akan mengemukakan permohonan pengecualian cukai kepada Unit Kewangan Pelajar, Bahagian Hasil, Jabatan Bendahari.

- c. Pemakluman bertulis akan diberikan kepada pelajar oleh Unit Kewangan Pelajar, Bahagian Hasil, Jabatan Bendahari.

5.0 LAYANAN CUKAI KE ATAS PENDERMA/ PENYUMBANG

- 5.1 Penderma / penyumbang yang memberi derma/ sumbangan kepada UKM yang telah diluluskan bawah Subseksyen 44(6) Akta Cukai Pendapatan 1967 layak mendapat tolakan cukai atas derma / sumbangan dalam pengiraan pendapatan agregat.
- 5.2 Hanya derma / sumbangan yang disokong oleh Resit Rasmi UKM layak untuk tolakan cukai.
- 5.3 Derma / sumbangan berbentuk barangan seperti makanan, pakaian, komputer, saham dan bahan binaan tidak layak untuk pengecualian cukai di bawah Subseksyen 44(6) Akta Cukai Pendapatan 1967.
- 5.4 Derma / sumbangan di bawah kelulusan Ketua Pengarah Lembaga Hasil Dalam Negeri (LHDN), amaun pengecualian cukai yang diberikan kepada individu/ syarikat/ organisasi adalah tertakluk kepada peraturan LHDN.

6.0 PENGUATKUASAAN

Pekeliling ini berkuatkuasa pada tarikh pekeliling ini dikeluarkan. Pekeliling ini hendaklah dipatuhi seperti mana peraturan dan syarat-syarat yang telah ditetapkan oleh LHDN.

7.0 PEMBATALAN

Pekeliling ini membatalkan Pekeliling Bendahari Bil. 13/2018 : Tatacara Kelulusan Tolakan Cukai Kepada Penderma Yang Menyumbang Kepada Universiti Kebangsaan Malaysia Menurut Subseksyen 44(6) Akta Cukai Pendapatan 1967.